

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članovima 42. i 52. Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 116. sjednici, održanoj 06.02.2026. godine, d o n o s i

O D L U K U

o usvajanju Programa utroška sredstava u razdjelu 22 – Ministarstvo za obrazovanje, nauku, kulturu i sport, pozicija „Nabavka opreme“ - izvor 10 Budžeta Zeničko-dobojskog kantona za 2026. godinu

Član 1.

(Predmet)

Usvaja se Program utroška sredstava u razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 821300, pozicija „Nabavka opreme“ - izvor 10 Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), u iznosu od 1.000.000,00 KM (slovima: jedanmilijon konvertibilnih maraka) i čini sastavni dio ove odluke.

Član 2.

(Način realizacije sredstava)

Sredstva planirana ovim programom utroška sredstava realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-2383/26

Datum, 06.02.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M
utroška sredstava u razdjelu 22 – Ministarstvo za obrazovanje, nauku, kulturu i sport,
pozicija „Nabavka opreme“ - izvor 10 Budžeta Zeničko-dobojskog kantona za 2026.
godinu

Član 1.

(Svrha Programa)

Svrha programa je da se sredstva u razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 821300, pozicija „Nabavka opreme“, Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), odobravaju javnim obrazovnim ustanovama na području Zeničko-dobojskog kantona za nabavku opreme u 2026. godini u cilju stvaranja neophodnih uslova za unapređenje odvijanja nastavnog procesa u osnovnim i srednjim školama i fakultetima na području Zeničko-dobojskog kantona, te u cilju digitalizacije osnovnih i srednjih škola u 2026. godini, pojedinačnim Odlukama Vlade Zeničko-dobojskog kantona o preraspodjeli sredstava; kao i da se koriste za nabavku opreme za potrebe Ministarstva za obrazovanje, nauku, kulturu i sport u 2026. godini sa ciljem unapređenja rada.

Član 2.

(Visina sredstava)

Visina sredstava utvrđenih ovim programom iznosi 1.000.000,00 KM (slovima: jedanmilion konvertibilnih maraka).

Član 3.

(Izvor sredstava)

Izvor sredstava je Budžet Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), razdjel 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 821300, pozicija „Nabavka opreme“, Izdaci iz budžeta – izvor 10.

Član 4.

(Korisnici sredstava)

Korisnici sredstava sa ove pozicije su javne obrazovne ustanove sa područja Zeničko-dobojskog kantona koje su podnijele zahtjev Ministarstvu za obrazovanje, nauku, kulturu i sport za odobrenje sredstava za nabavku neophodne opreme za 2026. godinu, te Ministarstvo za obrazovanje, nauku, kulturu i sport.

Član 5.

(Kriteriji za raspodjelu sredstava)

Kriterij za raspodjelu sredstava: Raspodjela sredstava utvrđena ovim programom u ukupnom iznosu od 1.000.000,00 KM (slovima: jedanmilion konvertibilnih maraka), vršit će se kako slijedi:

- sredstva u ukupnom iznosu od 200.000,00 KM (slovima: dvijestotinehiljada konvertibilnih maraka) odobrat će se osnovnim i srednjim školama i fakultetima sa područja Zeničko-dobojskog kantona za nabavku opreme u 2026. godini pojedinačnim Odlukama Vlade Zeničko-dobojskog kantona o preraspodjeli

sredstava, a sa ciljem unapređenja odvijanja nastavnog procesa u osnovnim i srednjim školama i fakultetima na području Zeničko-dobojskog kantona.

- sredstva u ukupnom iznosu od 630.000,00 KM (slovima: šeststotinatridesethiljada konvertibilnih maraka) odobravat će se osnovnim i srednjim školama sa područja Zeničko-dobojskog kantona za nabavku opreme u 2026. godini pojedinačnim Odlukama Vlade Zeničko-dobojskog kantona o preraspodjeli sredstava, a sa ciljem digitalizacije.
- Sredstva u ukupnom iznosu od 170.000,00 KM (slovima: stotinusedamdesethiljada konvertibilnih maraka) koristit će se za nabavku opreme za potrebe Ministarstva za obrazovanje, nauku, kulturu i sport sa ciljem unapređenja rada, a prema provedenim procedurama u skladu sa Zakonom o javnim nabavkama („Službeni glasnik BiH“, broj: 39/14, 59/22 i 50/24) i u skladu sa usvojenim Planom javnih nabavki Ministarstva za obrazovanje, nauku, kulturu i sport za 2026. godinu.

Član 6.

(Realizacija Programa)

Za realizaciju ovog programa zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 7.

(Izveštavanje korisnika sredstava)

Obrazovne ustanove kojima su odobrena sredstva u skladu sa članom 4. i 5. ovog Programa, dužne su da Ministarstvu za obrazovanje, nauku, kulturu i sport dostave izvještaje o namjenskom utrošku odobrenih sredstava najkasnije u roku od 15 dana od dana utroška istih, a najmanje jednom polugodišnje.

Član 8.

(Izveštavanje Ministarstva)

O utrošku sredstava po ovom programu, Ministarstvo za obrazovanje, nauku, kulturu i sport je dužno polugodišnje izvještavati Vladu Zeničko-dobojskog kantona.

Član 9.

(Generalni plan korištenja sredstava)

GENERALNI PLAN KORIŠTENJA SREDSTAVA SA RAZDJELA 22, BUDŽETSKE ORGANIZACIJE 01, POTROŠAČKE JEDINICE 0001 – MINISTARSTVO ZA OBRAZOVANJE, NAUKU, KULTURU I SPORT, POZICIJE „NABAVKA OPREME“, BUDŽETA ZENIČKO-DOBOJSKOG KANTONA ZA 2026. GODINU

R. br.	Korisnici sredstava	Svrha korištenja sredstava	Odobreni godišnji iznos	Realizacija sredstava
---------------	----------------------------	-----------------------------------	--------------------------------	------------------------------

1.	Javne obrazovne ustanove (osnovne škole, srednje škole i fakulteti) sa područja Zeničko-dobojskog kantona	Nabavka opreme u cilju stvaranja neophodnih uslova za unapređenje odvijanja nastavnog procesa u osnovnim i srednjim školama i fakultetima na području Zeničko-dobojskog kantona u 2026. godini	200.000,00 KM	Ukupan odobreni godišnji iznos će biti realizovan u skladu sa pojedinačnim Odlukama Vlade Zeničko-dobojskog kantona o preraspodjeli sredstva za nabavku opreme u 2026. godini
2.	Osnovne i srednje škole sa područja Zeničko-dobojskog kantona	Nabavka opreme u cilju digitalizacije u osnovnim i srednjim školama na području Zeničko-dobojskog kantona u 2026. godini	630.000,00 KM	Ukupan odobreni godišnji iznos će biti realizovan u skladu sa pojedinačnim Odlukama Vlade Zeničko-dobojskog kantona o preraspodjeli sredstva za nabavku opreme u 2026. godini
3.	Ministarstvo za obrazovanje, nauku, kulturu i sport Zeničko-dobojskog kantona	Nabavka opreme u cilju unapređenja rada za potrebe Ministarstva za obrazovanje, nauku, kulturu i sport u 2026. godini	170.000,00 KM	Ukupan odobreni godišnji iznos će biti realizovan prema provedenim procedurama u skladu sa Zakonom o javnim nabavkama („Službeni glasnik BiH“, broj: 39/14, 59/22 i 50/24) i u skladu sa usvojenim Planom javnih nabavki Ministarstva za obrazovanje, nauku, kulturu i sport za 2026. godinu.

Broj: 02-11-2383/26

Datum, 06.02.2026. godine
Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x „Službene novine Zeničko-dobojskog kantona“,
1x a/a.